



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

Sermo XXIX. De ornamentis & moribus ministrorum, in templo Dei.

[urn:nbn:de:hbz:466:1-45790](https://nbn-resolving.de/urn:nbn:de:hbz:466:1-45790)

parietes aspiciunt, & dulces psalmos non aduertunt. Væ, qui de cibo & potu fréquenter cogitant, & de pœnis animarum in purgatorio parum pensant, & raro plorant. Si quis ibi fuisset per horam, nunquam sentiret in choro triduum, nec in iejunio tristitia, nec in labore grauedinem. Benedicti omnes religiosi & deuoti serui Dei, alacres in diuinis, studiosi in libris legendis & scribendis: qui se & alios compescunt à verbis leuitibus, & fideliter orant pro benefactoribus suis, & omnibus tribulatis & tentatis; quorum magnus est numerus, Deo melius quam hominibus notus. Quicumq, ergo gratus & fidelis fuerit in modicis & præsentibus donis, dignus erit ampliora recipere à Deo in cœlis. In diuino officio negligenter aliquid agere, impunè non ibit. Cauecie & timete, ne eleemosynæ clament contra vos; quia male sunt expensæ, & horæ negligenter sèpiùs lectæ & persolueæ. A quib[us] malis Iesus Christus nos liberet, omnes offensiones nobis dimittat, & ad cœlestia regna, post huius vitæ pericula, feliciter perducat, Amen.

SERM O XXIX.

De ornamentis & moribus ministrorum, in templo Dei.

1. Mach. 4.

1. **O**rauerunt faciem templi coronis aureis, & dedicauerunt altare Domino; & facta est letitia magna in populo. Dilecti fratres ista leguntur Machabæorum libro primo, de templo Dei renovato, & cantantur etiam à nobis in Ecclesia, tempore consueto. Sicut ergo illi antiqui sancti fuerunt alacres & deuoti in templo materiali, laudando Deum in hymnis & organis, pro victoria data eis de cœlo contra aduersarios, ita & nos multo deuotiores esse debemus regatiando Christo, qui nos eripuit de tumultibus seculi, & laqueis diaboli; & dedit spem perueniendi ad festiuitatem cœlestis Hierusalem, & ad dedicationem templi immaterialis, in quo habitat Deus cum omnibus sanctis suis. Quaratis in litera spiritualem sensum, & in cera mel absconditum; & delectetur anima vestra in Deo viuo, & in omni verbo quod procedit de ore Dei, sicut angeli & omnes sancti in calo. Tunc enim poterit anima vestra per scalam sanctorum verborum, ad alta cœlorum ascendere: quando negligit exteriorem ornatum attendere; & ex intimis præcordiis recordatur Domini Dei sui solius, quantum datur ipsi sapere ex gratia supernæ visitationis, in statu humanæ fragilitatis.

2. Fratres, ibi est magna festiuitas dedicationis Ecclesiæ, ubi est puritas innocentis viræ, libertas bonæ conscientiæ, iucunditas spiritualis latitiae, prædicatio S. doctrinæ, obseruatio regularis disciplinæ, recordatio regni cœlestis, obliuio omnis gaudij secularis. Ibi est vera pulchritudo templi, & ornatus ecclesiæ, cum ramis & floribus bene redolentibus; ubi est vera contritio cordis,

humili-

Mysticè
qua ad tē-
plum Dei
spectant,
describit.



humilis confessio oris, & digna satis factio pro peccatis commis-
sis. Ibi est lata dedicatio noui altaris, vbi est nouus feruor deuo-
tionis, cum gratiarum actione in iubilo cordis pro beneficiis ac-
ceptis. Nemo vacuus apparere debet in conspectu Domini, sed
semper aliquid offerre in altari ad honorem Dei. Ille vitulum
offert & hircum, qui carnis petulatiam frangit per ieiunium. Ille
bouem maciat & taurum, qui superbiam mentis & duritiam pro-
prij sensus, redigit ad nihilum per humilitatem & sapientis con-
silium. Ille agnum immaculatum Deo dignum offert, qui passio-
nem Christi quotidie deuotè commemorat, & se ei per patientiā
& mansuetudinem conformat. Ille arietem immolat, qui totam
virtutem & fortitudinem suam Deo ascribit, & nil boni sibi at-
tribuit. Ille renes, cor & pectus in altari crenat, qui omnes car-
nales affectus, sancti Spiritus feruore refrenat. Ille columbam of-
fert, qui simpliciter ambulat, & de alienis rebus tacet; qui cum
dolentibus gemit, & pro sibi contrariantibus orat. Ille turturam
Deo offert, qui castitatem diligit & solitudinem querit: & cum
solatium terrenum perdit, ad cœlestē palatium liberius volat.

3. Ille passerem immolat, qui à garritu verborum inutilium
abstinet, & in secreto cellæ solus residet, vt maiorem pacem ha-
beat, & nulli onerosus loquendo existat. Ille verò faciem templi
coronis aureis ornat, qui præclara gesta sanctorum libenter legit,
scribit, & prædicat; & ad incitamenta virtutum, eorum præmia
aliis denunciat, ne in tentationibus deficiant. Ille aureos clypeos
in Ecclesia pro ornatu suspendit, qui veteris & noui Testamenti
Patres, quantis virtutibus fulgeant, proximis suis ad ædificatio-
nem narrat: Qui Martyrum certamina, ad tolerandum aduersa
recitat; labores Confessorum ad abstinentium cōmemorat; tro-
phæ virginum ac viduarum continentiam, ad castigandum cor-
pus beatificat; libros doctorum & sermones prædicatorum, ad
studendum, legendum, scribendum, dignè commendat, & alio-
rum bona opera, ad laudem Dei & decorum sanctæ Ecclesiæ re-
plicat & expandit. Ille pulchras imagines pingit & ornat, qui vi-
ta & moribus proximum ædificat. Ecce tot aurea scuta fulgent in
Ecclesia, quot sunt sanctorum nomina, quot festa, quot sacra
verba, quot bona videamus exempla.

4. O quam magna festivitas celebratur in dedicatione ecclesiæ
triumphantis, vbi omnibus deiectis hostibus, cuncti simul gau-
dent sancti cum Angelis, amicti stolis albis, & coronati coronis
aureis nunquam perituri. Ibi quippe æterna laus & gloria, sine
cessatione mansura. Ibi vox dulcis sine rancore, cantus altus sine
labore, pax ingens sine timore, latitia sine mœrore, amor sine
huore, scientia sine errore. Ibi abundantia sine defectu, dignitas
in cœlesti Hierusalē quanta.

sine despectu, sanitas sine interitu, iucunditas sine fletu, securitas sine metu, voluptas sine vitio, satietas sine tedium, claritas sine nubilo, veritas sine ambiguo, puritas sine piaculo, libertas sine obstaculo, conscientia sine scrupulo, summa felicitas sine termino, omnia bona in Deo. O quam festiuè gaudent ibi sanctorum animæ, à vinculo corporis absolute, ab omni labore peccati purgatæ, Deo intimè coniunctæ, sine medio vnitæ, per ambitum cœli volantes liberè, canentes & gratias agentes Deo lætissimæ: *Laqueus contritus est, & nos liberati sumus.*

7/41.123. 5. Quoties ergo adeat aliqua festivitas sanctorum in ecclesia, recordari debemus qualis & quanta sit in cœlesti patria, & despicerne omne, quod delectat in hac vita. Beati religiosi, qui à secularibus turbis remoti, à temporalibus curis liberi, à passionibus tranquilli, ad cœlestia oculum mentis dirigunt: & præ dulcedine amoris intimi, quem sentiunt, dissolvi & esse cum Christo concupiscunt. Beati, qui ad cœlestem dedicationem & ad cœnam agni vocati sunt: & ita se student præparare, ut cum electis digni sint intrare. Vox vera: Nemo potest hîc gaudere cum seculo, & postea regnare cum Christo. Amœna prata, stultos ducunt ad hospitium praua. Et qui modò delicias & honores semper querunt, post breve gaudium inuenient æternum ignem & luctum.

*Phil.1.
Apoc.19.*

In profanantes festa.

6. Heu miseri & insensati amatores seculi, qui festa Christi & Sanctorum honores in conuiuia ciborum & ludos cœuertitis, ubi manebitis? Vè vobis, qui Iesum deseritis, & mundum requiritis: Sanctos negligitis, & vagos ac lubricos vobis associatis: Angelos offenditis, & demones latificatis. Væ, qui simplices deridetis, & fallaces commendatis: rosas virtutum conculcatis, & spinas peccatorum colligitis: præsentia bona aspicitis, & futura mala non præuidetis, nec timetis. Cur stulti vosipso decipitis, & ad rectam viam non reditis? Timete Deum, nequando irascatur Dominus, & pereatis citò de terra cum impiis: & recipiatis infernum pro deliciis, quas amastis. Dignus est enim operarius mercede sua, siue bonum, siue malum fecerit in hac vita.

7. Habet etiam felix & sancta mater ecclesia, pro magno solacio & decoro domus Dei, multa sanctorum corpora in bona custodia, omni honore digna. Ad quorum aspectum, multi fideles excitantur saepe ad amorem Dei & fletum, desideranter petentes quotidiana suffragia: ut per eorum sancta merita mereantur pervenire ad gaudia æterna. Quæ est enim Ecclesia vel capella tam pauper & modica, quæ non habet vel procurat habere aliquas sacras reliquias, pro ornatu oratorijs sui, ex devotione erga animas Sanctorum regnantium cum Christo in gloria? Nam sacra ossa sanctorum humiliter venerari, Christum est honorare; in quibus

habim-



habitauit Spiritus sanctus : à quibus vixtus est mundus, & diabolus per fidem Christi confusus. Sperandum igitur indubitanter, quod libenter orabant pro nobis amicis suis in terra degentibus, quos viderint in oratione feruentes, & oculos crebro ad cœlos cum gemitu leuantes, & omnia propter Christum ex animo relinquentes.

8. Iuuat etiam non modicum infirmos animos ad lætitia cordis, si in festis, melioribus vestibus & cappis, sacerdotes & ministri induantur, pro diuino officio decentius celebrando. Si floribus & frondibus altaria & loca sacra adornentur; quatenus per externa signa, torpentium corda ad meditandum cœlestia bona citius accendantur. Nihil tamen in his cæremoniis, cultibus, & ornatibus, inaniter pro humana laude & propria complacentia fieri debet; ne Deus, qui corda humilium respicit, vanis clamoribus & vagis moribus offendatur: ne festum temporale in vitium animæ ex aliqua levitate aut curiositate conuertatur. Non enim est speciosa laus in ore superbientis, nec placent Deo labia sonora, vana gloria fœdata, vel discordi voce prolata. Dicat ergo gratias Deo omnis deuotus orator, jubilet Domino laudes omnis ardens amator, cantent & laudent Deum omnes animæ sanctorum cum Angelis in cælo, cantent & laudent Deum omnes Ecclesiæ terrarū cum fidelibus in hoc mundo, dicētes: Te decet laus & honor Domine, pro tua maxima dignitate, in secula seculorū, Amc.

SERMO XXX.

De quatuor conditionibus, ad edificationem & decorum domus Dei pertinentibus.

1. **D**omum tuam Domine, decet sanctitudo, in longitudine dierum. *Psal. 92.*
Dilecti fratres, sitis circumspetri & custoditi in omni loco & tempore, maximè autem in Ecclesia, in choro, & in diuino officio, vbi à multis potestis considerari. Vos estis templum Dei, *z. Cor. 6.* vos estis domus Dei, vos elegit Deus in hereditatem sibi, quibus promisit dare regnum Dei. Notate ergo conditiones quatuor, ad decorum domus Dei pertinentes, & ad sanctitatem veræ religionis perducentes. Omnis bona domus debet habere fundamentum firmum, parietes rectos, fenestras claras, & tectum integrum.

2. Primo, debet domus animæ nostræ habere fundamentum profundæ humilitatis, ne totum ædificium cadat ab alto elationis, in barathrum æternæ damnationis. Idcirco multi ceciderunt, de statu religionis, in varias tentationes diaboli & vitia carnis; quia non habuerunt nec steterunt super firmum fundamentum veræ humilitatis, quæ hominem custodit ab innumeris diaboli insidiis & casibus. Felix anima, quæ honorem temporalem non appetit dampnum.